



الشاعر
محمد مصطفى
مرجان
محافظة الغربية

نخبها إليه؟

مقدمة بصوت الجسومة:

يا شمس ممنوعة من اللمس
شيلي الحجب وافرطي ضيك
كل إلي كان ممنوع بالأمس
مسموح يا مصر عشان خاطرك

دخول المصري اللي مش عارف قيمة بلده:

مادام مالقتش فيكي العون
ما عادليش فيكي لقمة عيش

كارهاني..
ما بتحنيش..
ما بتحبيش..
خلاص سايبك..
ما دام خلفتي ميت مليون
وبديلك وما بتديش
رافضاني..
ما بلزمكيش..
فأنا رافضك..
منيش عايزك..
هحبك ليه؟
هحبك ليه؟

عاشق مصر بيرد عليه:

ياللي ريقك بل ريق
قبل ما أعرف
معنى كلمة بل ريق
قلبي بيحبك حقيقي
قبل ما أعرف
معنى للحب الحقيقي
عالية فوق الكل رايتك

ثابتة جيل من بعد جيل
شائلة هم الأمة وحدك
جيش عظيم معدن أصيل
تنتهي الأيام وحبك
جوه منى ما ينتهيش
تنحني الدنيا ولجلك
راسي عالية ما بنحنيش
ياللي علشانك يا أمي
كل همي تكوني زاهية في عصر
بكتب التاريخ بدمي
وأقول أغني بكل روجي تحيا مصر
الجمهورية ترشد في ثورة:

زرعك ترابك

جندك سلاحك

سدك كفاحك

فلاحينك عمالينك

بنايينك عتالينك

حدادينك شيايينك

هما دول هما إللي شالوا

الآربي جي فوق من كتافهم

حاربوا أعداءك وقالوا
الوحدة هتفرق صفوفهم
عزمهم مش بالقوالة
دول صعايدة وفلاحين
أرضهم مصنع رجالة
فرزة أولى عالصراط المستقيم
فاشوق مصر مع الجموعة:

حب مصر بيجرى فينا
شيء مهوش محتاج دليل
مهما رحنا ولّا جينا
للممات شايلينها شيل
ياللي ما عرفتش قيمتها
الأرض دي أول منارة
قبل كل الدنيا جيشها
وسيفها كان هو الحضارة
المصري اللي مش عارف قيمة بلده يتول:

علموني.. علموني
معنى كلمة تحيا مصر
فوقوني رجعوني
نفسي أموت على أرض مصر

الجمهورية كلها في ثورية:

بلدك أمانه

دايما مصانة

قوة كرامة

كل شبر بيحي فيها

ألف قصة عن شهيد

إلي مات علشان شاريها

نفسه عاش علشان شهيد

اكتب التاريخ بدمك

عالتراب واحفظ حدودك

الميراث والأرض أرضك

عن جدودي وعن جدودك

اثبت وعافر

اصبر وصابر

عدي المخاطر

لجل مين قادرين نظهر

سينا بقلوب من حديد

لجل مين عايشين نعمر

رملة الوادي الجديد

الزروع علشان تسمبل

مش هتطرح بالكلام
والمصانع لجل تنتج
محتاجة همة ونضال
مصر ميت مليون في واحد
كل واحد فيها هو الميت مليون
مصر مش دولة ومواطن
هنعيش فيها والسلام
مصر أم وحب ساكن فينا على مر الزمان
بنت سمراء نقشلي مصر:

مصر بنت وضحكة صافية
تشوفها قلبك ينشرح
مصر أم وشمس دافية
عود ريحان في الغيط طرح
مصر أب وخطوة راسية
طبطبه وجنة وفرح
فلان مصري اصيل:

مصر شمس وبيت وغيط
زرعه بتضلل علينا
الطينة دي منها ابتديت
ولجلها فرحنا وبكينا

مربي الأجيال:

مصر في كتاب الحياة
زي ما وصفها الإله
أرض خير وسلام وحب
جنة الرب في علاه

العامل المصري:

مصر بأيدينا هتعلّى لفوق
هتعلّى لحد ما تطول السحاب
بالعرق والجهد سابقة
هيقوي بينا الاقتصاد

الفنان:

مصر فكرة في شعر بيرم
لحن من ألحان بليغ
غنوه بتجلجل لثومة
دندنه في رقة حلیم

الطبيب:

مصر مهد الطب لما
ما كنش فيه في الدنيا طب
جيشها الأبيض خطى وقت
المحنة بيها كل صعب

رجل الدين:

مصر أرض محبة لما
مكتش فيه في الكون محبه أو أمان
اصطفاها المولى لما تجلى فيها وقال
ادخلوا مصر بسلام

الجندي المصري:

مصر جيش وقت الشدايد
ضربته شافية وكافية
أد ما يعز الحبايب
حقنا بنجيبه عافية

الجموعة كلها تروى:

تحبها ليه؟
تحبها لما تتمايل مع الأغصان
في شجرة ورد بتفتح
في عود ياسمين بيتطوح
في شمس عفية بتناولك
خيوط الحب وتفصل
صباح صباح وبيقولك
مصر أهي جاية بتصبح
تحبها ليه؟

تحبها لما تظمن عنيك وتنام
وأخوك الدفعة علسانها
عنيه دادابان
مهوش مغصوب
ولا بيخافش غير الله
على حدودها أسد ثابت
على دراعه العلم نابت
وحالف إنه ما يخالف
يمين الله
هموت ع الأرض دي الموتة
اللي ترضي الله
تحبها ليه؟؟
تحبها حزن مفتوح لك
ترتاح بيه ويرتاح بك
لا بيصدك ولا يردك
ومهما عملت مسموح لك
دي مصر أم الهرم والنيل
دي جنة ربنا في علاه
حماها المولى جيل ورا جيل
دي مصر مقبرة الغزاة